



A lokisetse Morena Sechaba se phethehileng. (Luka 1:17)

Tel: 28 350 466/ 62600983 (WhatsApp)

MOELETSI OA BASOTHO

PARARE DOMINO PLEBEM PERFECTAM



**TK hlathe e
lelekisa tsebe**

**E re Lipholo
a lokolloe**



M3.4 BILLIONE E KAE?



Access Our Books on Akello Library!

Explore a wide range of our books anytime, anywhere.
Visit Akello Library today and start reading!

#ReadAnywhere #AkelloLibrary #ExploreMore

<https://library.akello.co/downloads>

Follow the link

bookcentre@mazenodprinting.co.ls

Need guidance? Call/ / WhatsApp: 27 350562 / +266 57396597

MOELETSI

Le'a khahloa Basotho!

Zheng o etela
Paramente ea Lesotho

Nthabeleng Seithleko

Leqosa la Paramente ea China Zheng Jiangbang le etetse Paramente ea Lesotho le ho boka likhomo ho Motlotlehi Letsie III le Tona-Kholo, Ntsokoane Matekane, ka la 30 Loetse Monongoaha.

Motsamaisi oa Lipuisano Ntlong ea Bakhethoa, Mohlompehi Tlohang Sekhamane, o itse ba ile

fetileng, 'me sena se etsoa ke hore ba romella boemeli bo nang le boiphilelo ha Lesotho lona le tšehetisa China hore ke ntho e le 'ngoe le Taiwan.

A tiisa hore ke nako ea hore Lesotho le China li tiise maqhama a tsona ho feta pele ka hore China e eketse menyela eo e e fang Basotho ea ho ithuta. "Ka lebaka la tšehetso eo ba re fang eona, joaloka lintlafatso tse kang litsela le meaho eo ba e entseng Lesotho, re lokela ho ema le bona ka tsela e

leng hobane li ka tseba ho etsa chelete e ngata. A re eo o itse o na le mpho eo a tlii'o fana ka eona paramenteng moo ea boleng ba M250, 000.00.

Ka lehlakoreng la puso, ea tšoereng molepo e le Mongoli e Moholo oa Lekala la tsa Machabeng, Limpho Motsamai o itse ketelo ena e fuparetse Lesotho litaba tse molemo. A re taba ea bohlokoa eo moeti eo a buileng ka eona ke taba ea ho matlafatsa moruo linaheng tseba tse peli, 'me a



ba nka monyetla ho mema leqosa leo nakong eo le neng le itokisetse ho leba Cape Town, Afrika Boroa ka sepheo sa hore a ba tsebe.

O re morero o moholo ke ho matlafatsa likamano lipakeng tsa linaha tseba tse peli. A re ho sa natsehe hore na naha e ruile kapa e futsanehele hakae, e hloka linaha tse ling hore e tle e hole le hona ho amana le tsona.

A re linaha tse kholo li hloka tse nyenyane hore ho tle ho be bobebe ho hoebisana le hore naha ha e le tsietsing, tse ling li tle li tsebe ho e buella.

A re Naha ea China leha e ruile hakaalo ho ile ha eba thata ho eona, 'me eaba ea buelloa ke linaha tsa Afrika kahar'a Mokhatlo oa Machaba a Kopaneng, 'me e se e bile e le karolo botsamaising ona litabeng tsa tšireletso.

A re ba ile ba bolela hore ba bona likamano lipakeng tsa Lesotho le China li ntlatfetse ho feta nakong e

tšoanang." A rialo.

A re ba ithutile tse ngata ka Paramente ea China, 'me ba eleletsoe hore e mamele Machina haholo, 'me a re ke seo ba batlang hore Paramente ea Lesotho e be sona. A re ba kopile hore ba ke ba ba thuse haholo ka bohlae ba boiketsetso kaha ba se ba hatetse pele haholo litabeng tseo.

O re ba kopile China hore e tle ho hlabolla Naha ea Lesotho haholo litabeng tsa botseteli ka ho hlokomela hore Basotho ha se batho ba tsebang ho hlahisa, ba ja feela. Sekhamane a bontša hore ba lumela hore Basotho ha ba ka hlabollosa ka litaba tsa tlhahiso ba ka tseba ho hlahisa hore ba reki-setse linaha tse ling.

O hlalositse hore tabeng eo, China e arabile ka hore e batla ho tlosa lekhetho lihlahisoeng tseo Basotho ba li hlahisang, 'me a supa hore sena se tla etsa hore lihlahisoa tse kang boea li isoe thekisong li na le bo-

re ba bontšitse hore pusong ena ho bonahetse khoebo e nyolohile ka 20%. O hlalositse hore Zheng o itse ba lakalitse hore taba ena ea khoebo le khoebisano e tšoaroe ka matla.

A re har'a tse ling ke taba ea mesebetsi e meholo e kenyelletsang ea motlakase oa letsatsi, moo a itseng ba bontšitse hore leha ba sa atleha ho fihla Ha Ramarothole ba tla bona hore mesebetsi e kang eo e'a ntlatfala kaha e se e ntse e le teng kahare ho selekane sa China le Lesotho.

O hlalositse hore mesebetsing ena e meholo ha ho tšoaroe 'moka o bitsoang FOCAC oo Tona-Kholo a ileng a ba le seabo ho oona, ke moo ho tšohloang hore na ke mesebetsi efe e tlii'o etsoa linaheng tseo China e nang le selekane le tsona.

H'a phethela, o bontšitse hore kamoso Paramente ea Lesotho e tla ea China ho ithuta Paramenteng ea China le ho nka karolo.

Lekala la Liphatlalatso, Likhokahanyo, Mahlale, Tšebeliso ea ona le Boqapi le tsoile letšolo ho etela bacha literekeng ka ho fapakana ho ba ruta ka bohlokoa ba boqapi, hore na ba ka bo sebelisa joang ho ithehela mesebetsi e le karolo ea boipheliso. Lekala le etsa sena ka tšebeliso 'moho le UNDP 'me ho na le sethala se bitsoang UniPod Hub se Sekolong sa Lerotholi Polytechnic seo bacha ba ka se etelang ka bongata. Kahar'a sona ba ka atleha ho fumana lithuto tse 'maloa tsa mesebetsi oa matsoho joaloka: moroko, lijo, 'mino le lepolanka. Bacha ba Setereke sa Quthing ba neng ba etetsoe ba bontšitse hore boholo ba bona ba ne ba sa tsebe letho ka litaba tseba, ka hona ba na le lebaka la ho leboha 'muso oa habo bona ha o ntse o ba hopola. Kaha le se le butsoe mahlo, sebelisang litalenta tseo tsa lona ho ithehela mesebetsi le hona ho thusa ho nyolla moruo oa naha ea habo lona. Joalokaha e le lona bokamoso ba naha ena, ho etsa hantle hona joale ke ho thusa lona le bana ba lona ho bopa Lesotho le tla le fa seo le se hlokang. Tsohang borokong; le hatohe likelello etsoe ntho ena ha e ncha kaha le le batho ba marang-rang 'me le bona sohle se etsoang ke bacha ba linaha tse ling.

Nakong ena eo phetoho ba boemo ba leholimo e ammeng temo haholo, Lekala la Temo, Kanetso ea Lijo le Phepo e Nepahetseng le tšoaretse lihoai koetliso mabapi le lipeo le manyolo. Sepheo sa koetliso ke ho ruta lihoai ho sebelisa peo le manyolo tse nepahetseng; ka nako e nepahetseng. Hape ho li tlosa mekhoeng ea khale ea ho lema, e le hore li ikamahanye le liphetoho ho seng joalo li tla lula li hamela letanteng. E 'ngoe e ka sehloohong ke hore li tlohele ho lemela ho ja feela, empa li kene temo-khoebong e le hore qetellong Lesotho le rekisetse linaha tse ling lijo-thollo. Batho ba khale ba hlalosa hore ho na le nako eo sena se neng se etsahala, naha ea habo rona e romela lijo-thollo linaheng tse ling. Ho ba bang ke tšomo feela kapa eona pale kaha ba hotse Lesotho le se ntse le phalleloa ho se le ka mohla motho a ka utloang le thusitse naha efe kapa efe. Lihoai tsa habo rona sebetsang ka thata ho fetola litšomo tseo 'nete. Joalokaha le kopile 'muso le ona o etse tšalo morao ka ho etela masimo a lona ho bona hore le phethahatsa le ho etsa seo le se rutiloeng. Tsotello eo e tla etsa hore le ba ka hulanyang maoto ba tiise ha ba hopola hore ba tla hlahlajoa kamor'a nako e itseng.

Komisi ea Khotso ea Mokhatlo oa Linaha tsa Hloahloa e Boroa ho Afrika e entse boipiletsa mabapi le ho tšoaroe ha Moetapele oa Mokha oa Kopano ea Basotho (BCM), hore eo a lokolloe ka ho panya ha ntšhi kaha ho hatikeloa litokelo tsa hae tsa botho. Ho feta moo le maemo a hae a bophelo a se matle. Litaba tsa moetapele enoa li arotsoe Basotho likoto tse peli hoo ba bang ba seng ba e-na le maikutlo a hore Lesotho le kopane le Afrika Boroa.

Maikutlo ana Morena oa Sehlooho oa Thaba-Bosiu o nka e le qeto e ka etsoang ke mengala ena. O re ha joale Basotho ba lokela ho hetla morao ho bona hore na mothehi oa bona; Mo-shoeshoe l o ne a e-na le morero ofe h'a theha sechaba. Ha e le mona naha e tla keteka boipuso bekeng ena, Basotho ba lokela ho sheba likatleho tsohle tseo naha e li fihletseng. Selemong se tlang Lesotho le tli'o keteka lilemo tse 60 tsa boipuso, taba eo ha e re letho ho hang ho Basotho bao? Ngongoreho ea bona ke hore baetapele ba hlotsoe ho thusa naha ho tsoelapele, haholo ba shebile taba ea khahello ea mesebetsi bacheng.

Ekaba Afrika Boroa ee eo ba reng ho uoe ho eona eona ehlile e hlokometse bacha hantle? Naha e tšoanang e ntse e sotla bana ba Basotho ha joale; ba nyolosa ba theosa ka lebaka la libukana tsa ho eta. Boipotso ke hore na ha li se li kopane linaha tsee ba hopola hore baahi ba Afrika Boroa ba tla ba amohela e le bana ba habo bona? Kapa ba ntse ba tli'o ba beha molato ha lintho li se li sa etsahale joaloka pele hobane lenane le se le eketsehele? Ho ka shebahala eka ke bohlae ho ba karolo ea Afrika Boroa, empa tšotleho e ka eketseha ho feta ka moo ho lebeletsoeng ka teng. Joale Basotho ha li bo fule li bo tšoha e se re tsa bo tšoarisa serotsoana.

MOLIMO A BOLOKE LESOTHO LE BASOTHO

Contacts: +266 28350 466

62600983 WhatsApp

Email: newsroom@moeletsiabasotho.co.ls

Sales and Marketing: (+266) 28 350 466/ 57396597 (WhatsApp)

MOELETSI oa BASOTHO
A LOKISETSE MORENA SECHABA SE PHETHEHLENG (LUKE 1:17)

Editorial

Lesetsa Rakubutu

(+266) 6203 1949 / 58190670

EMAIL: editor@moeletsiabasotho.co.ls

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seithleko


57 665 038/ 68 216 271

Tšeliso Thakholi

58 540 853/ 63 480 404

Production Desk: 'Mateele Liqa

TK hlathe e lelekisa tsebe



Nthabeleng Seithleko

Tona-Kholo Samuel Ntsokoane Matekane o khutla ka lebonyo 'mokeneng oa Machaba a Kopaneng. Tsena li bile ka 25 Loetse monongoaha.

Lebonyo le bakiloe ke ho ba botlatsing ba botsamaisi ba mokhatlo ona oa Machaba a Kopaneng, chelete e hakanyetsoang ho M800 Million bakeng la khoekelo ea motlakase malapeng a ka maluting, esitana le monyetla oa phano ea liente sebakeng sa toantšo ea mafu ho masea le monyetla oa ho tsosolosa likamano le Naha ea Amerika tšehetsong ea litaba tsa bophelo har'a tse ling.

H'a bala polelo ea Naha ea Lesotho 'mokeneng ona, Tona-Kholo o hlalositse hore Naha ea Lesotho e bone phunyeletso litabeng tsa Tlhopho-Bocha. A re sena ke ho latela tšehetsong ea lichelete eo har'a ba bang ba bafani e bileng Mokhatlo ona oa Machaba a Kopaneng.

A supa hore leha leeto le e-s'o fele, tebello ke hore haufinyane methati e meng e latelang e tla phetheloa 'me Lesotho le bone khotso le khutso li e-ba teng.

A bontša hore katleho ea mokhahlelo oa pele oa Tlhopho-Bocha boemong ba tikoloho e boroa ea Afrika e lebisitse hore naha e tsoe boemong ba ho behoa leihlo le nchocho ke Mokhatlo oa Ntšetsopele ea Moruo (SADC) e leng e behang naha monyetleng oa kholo le botsitso ho sechaba sa eona le baahisane 'moho.

O re ka tšehetso e kang ena ea Machaba a Kopaneng ea lichelete, ba sebetse ho phatlalatsa hore khotso, botsitso le nala li tla bonahala naheng ea Mo-shoeshoe.

A re o boela a nka liqeto tsa 'moka oa maoba o neng o reretsoe ho hlopha bocha litaba tsa botseteli lebakeng la ntlafatso o ileng oa tšoareloa Paris, France maqalong a selemo.

A re 'moka ona o bohlokoa kaha o file bo-motinyane monyetla, esitana le ba atlehileng ho kopanya litema ho bona hore ho matlafatsoa linaha tse ntseng li thuthuha moruong ho fihlela kholo le boikemelo le ho tloha boemong ba bokopa-kopa.

Leha ho le joalo, a re ha ho potang mokotla oa

lithuso ona o tutlehile 'me sena se beha linaha tsena tse thuthuhang moruong tlokotsing.

O re Lesotho le eme ka matla ho thiba mecha eohle e phunyang masoba sesung sa sechaba. A re leano leo ke le thibelang bosholu le botlokotsebe esitana le tšebeliso e mpe ea lichelete tsa sechaba ka sepheo sa ho tsitsisa moruo. Ho feta moo o re Naha ea Lesotho e morerong oa ho sebelisa lihloiloeng tsa eona tse kang metsi, moea le letsatsi ho hlalisa motlakase o hloekileng.

A re ka tlhahiso ena ea motlakase naha e ha e'a hopola ho fa feela baahi empa le ho rekisetsa linaha tsa boahelane tikolohong e Boroa ea Afrika. A re sena

ha e na ho ba phunyelletso feela ho baahi empa e tla boela e susumetsa botseteli bo tlang ho holisa Afrika kaha Lesotho le le morerong oa ho mema bo-ramatsete ho tla aha sesiu sa pokello ea litaba ka marang-rang.

O bontšitse hore temo ke mokokotlo oa linaha tse thuthuhang moruong li bile li likanyelitsoe ke tse ling, empa bomalimabe ke taba ea phetoho ea boemo ba leholimo e amang tlhahiso linaheng tsena tse thuthuhang hampe li bile li likanyelitsoe ke tse ling. A re ho bohlokoa ho tsetela haholo ka lichelete le botsebi sebakeng sa tlatsetso-theko ea lisebelisoa tse mamehang maemo ana.

A re ho bohlokoa ho ananela le ho nka se fihlet-

soeng nakong lilemo tse 30 kamor'a mohoanto oa basali naheng ea Beijing, hore ho bile le likatleho tse 'maloa empa ka kanetso ea motlakase phano ea marang-rang e'a bebofala.

Ha marang-rang a le bohlokoa hakaalo ho bohlokoa ho lemoha khahlamelo ea ona, a re ke ka hona ho boetseng ho leng bohlokoa ho kenyelletsa bacha liqetong esitana le pusong kaha le bona e le karolo e kholo ea sechaba eo e bileng e le eona e tla sala e ntšetsapele merero ena.

Litabeng tsa bophelo, oitse Naha ea Lesotho e behile ka sehloohong litaba tsa bophelo le kanetso ea litaba tsa bophelo ho bohle haholo ho ntse ho shebiloe litaba tsa polokeho ea 'ma le lese, toantšo ea kokoana-hloko ea HIV/AIDS esitana le Lefu la Lefuba (TB) har'a tse ling.

H'a phethela o itse ha e le mona Mokhatlo oa Machaba a Kopaneng o keteka lilemo tse 80 o thehiloe, ho bohlokoa ho hetla morao likatleho le liqholotso esitana le ho rala ho tsoelapele moo a itseng e ka ba bohlale hore mokhatlo o tle o hlophe bocha le ho hapella a mang a maano a macha.

A re Afrika e ntse e tsitlalletse hore e fuoa litulo tse peli tsa moshoelella ka hare ho komiti ea tšireletso har'a tse ling.

Selemong se holimo 'moka o ne o lekola har'a tse ling tse fihletsoeng lilemong tse 30 tsa boitseko ba basali, ntoah khahlanong le mafu a sa tsoaetsaneng, seabo sa bacha le tšebeliso ea marang-rang molemong oa tsoelopele le khotso.



MOELETSI O TŠEHETSA BACHA

Tšeliso Thakholi

Karolo e kho-
lo ea bacha
ba Naha ea
Lesotho e bo-
nahala e ikemiselitse ho
fetola bophelo ba eona le
ho nyolla moruo oa naha
ka litsela tse fapakaneng
tse kenyeletsang har’a tse
ling ho ithlahisetsa lijo ka
mefuta ea tsona, 'me li re-
kisoa kahare ho naha e le
ho leka ho fokotsa lijo tse
ngata tse rekoang Naheng
ea Afrika Boroa. 'Matšepo
Rabale ke mocha ea lilemo
li 25 ea iqaletseng khoebo
ea likhoho tsa mahe e le
ho leka ho fokotsa sekhah-
la sa chelete e tsoang ka-
hare ho naha ho ea reka
mahe kantle ho naha. O re
qoqela ka tsa khoebo ea
hae.

TŠUSUMETSO

Ke qalile khoebo ena ea
ka ka selemo sa 2017,
'me ke susumetsoa ke e
mong oa litichere tsa ka
Sekolong se Sehoho sa

Sechaba(NUL), nakong
eo e neng e bua ka lihla-
hisoa tse ngata tse kenang
kahar’a naha ho hlaha
linaheng tse ling, empa e
le tseo re ka tsebang ho
ithlahisetsa tsona e le ho
hlahisa mesebetsi le ho
thiba chelete e ngata e ho-
holehang ho ea linaheng
tse ling.

Ke hona moo ke ileng ka
hlokomela hore bohoho ba
lihlahisoe tseo re li sebe-
lisang tse ling tsa tsona
re ka tseba ho ithlahisetsa
tsona. Ke moo boinotšing
ba ka ke ileng ka etsa qeto
ea ho iqalla khoebo ea le-
ruo la likhoho tsa mahe, e
le ho tla fokotsa sekhah-
la sena sa ho lata ntho e
'ngoe le e 'ngoe Afrika Bo-
roa.

QALEHO

Ke ile ka qala pele ka ho
ithuta hore na hantle kho-
ho ke'ng, e hlokomeloa
joang le ho sheba hore na
'maraka oa mahe efela e le
tlhoko ea sechaba sa heso.
Ka hlokomela hore ehlile
mahe ke tlhoko e kholo ti-

kolohong eo ke phelang ho
eona le boemong ba naha
ka kakaretso. Ka qala ka
kena lithupelong tse ngata
haholo tsa leruo la likhoho
tsa nama le tsa mahe.

E re kaha ka nako eo ke
ne ke ntse ke le ka NUL,
khoebo ena ea ka ke ne ke
e etsetsa Mafikeng tikolo-
hong ea Roma ho fihlela
ke qeta ka sekong ke leba
haeso Nazareth moo ke
seng ke sebeletsa hona
teng. Ka nako eo ke ne
ke lula malaeneng, 'me ka
qala ho ipehela M200.00
cheleteng ea lihlapiso
ho fihlela eba e etsa
M5,000.00 eo ke ileng ka
qala khoebo ena ka eona.

KHOLO EA KHOEBO

Ha ke ntse ke le ka NUL
ka hlokomela matšoaro a
khoho ea khoebo, 'me ka
batla batho ba babeli ba
nang le litsebo tse fetang
tsa ka tsa leruo la likho-
ho tsa mahae, bao ke nt-
seng ke sebetse 'moho le
bona le kajeno. Ke sona
se entseng hore khoebo
ena e hole ho feta mona,

etsoe Mosotho one a opile
khomo lenaka h'a re: "Ko-
pano ke matla." Ka boela
ka eketsa ka a le mong ea
nang le litsebo tsa lipoloko
tsa libuka tsa khoebo le ho
bapatsa khoebo ea rona
marang-rang. Le kajeno
khoebo ea rona e ntse e
hola hantle, 'me e ntse e
tsepame morerong oa ho
koala mahe a rekoang Af-
rika Boroa ka ho hlahisa
haholo.

MORERO O MOHOLO

Morero o moholo oa rona
ke ho hlahisa mesebetsi
sebakeng sa bacha, ho
pepesa litalenta tsa bacha
le ho bona ba tšehetsana
ka ho reka lihlahisoe tse
teng kahare ho naha. Re
ke re felise ho be sa le re
pepile Naheng ea Afrika
Boroa ka ntho e 'ngoe le e
'ngoe. Ha re batle ho bona
mahe a ntse a latoa Afrika
Boroa.

LIKATLEHO LE LIQOLOTSO

Re se re fepela likhoebo
tse nyenyane le tse ling
tse khoho ka mahe le batho
ka bo-mong re'a ba reki-
setsa. Liqholotso tse khoho
tseo re kopanang le tsona
ke tsa batho ba liehang ho
lefa, ha re ba file mahe ka
mokitlane; ba bang e hlile
ba re sokolisa hoo re seng
re nkile likhato tsa molao.

Qholotso e 'ngoe ke ea
batho ba tla re letsetsa
ba kopa hore re ba ise-
tse mahe, e be ha re fihla
sebakeng seo ba reng ba
fumaneha ho sona, ebe re
fumana ho se joalo, 'me ba
se ba bile ba koetse le lifo-
no tsa bona. E re kaha re
tseba morero oa ho theha
khoebo ena kamehla ha
re kopana le liqholotso tsa

mofuta ona re tla matla
le hore li re fa mahlale a
hore na re ka tseba ho li
hlola joang. Empa ha li fele
hoba ke karolo ea bophe-
lo.

TORO EA RONA

Re lakatsa ho tsosolosa
likoparasi tsane tse kho-
lo tsa mahe tse kileng tsa
ba teng kahare ho naha.
Ha re ntse re hola mahe le
nama ea khoho li ne li sa
rekoe kantle ho naha. Toro
e 'ngoe ea rona ke ho ba le
feme e khoho eo ho tla ba
le mechini e meholo e tla
tseba ho qhotsisa litsuo-
yana tsa mahe. Re boetse
re rata ho bona khoebo
ena e se e hotse ho feta
mona, 'me re se re fepela
naha kaofela ho se ho se
mahe a kenang kahare
ho naha. Re batla mahe
e be sehlahisoa sa boraro
se sehoho kahare ho naha
joaloka metsi le litaemane.

BACHA

Ke rata ho ipiletsa ho ba-
cha ba Naha ea Lesotho
ho se tšabe ho iketsetsa
likhoebo tse fapakaneng, e
le ho felisa ho itšettleha ka
Afrika Boroa haholo. Hona
joale ha ho lebaka la hore
ebe lintho tse kang lipom-
pong, koae le nama e be
li ntse li latoa Afrika Boroa,
bacha ba ntse ba le teng
ka litsebo tse fapakaneng
tsa bona. Hona joale ba
ntse ba fuoa mangolo a li-
kolo tse khoho. Ke kopa ka
mangolo ao le se ke be la
tla kokomala liofising tsa
'muso la batla mesebetsi,
empa le ithlahisetse eona
ka litsebo tseo le nang le
tsona. Thuto ke lefa leo ho
ke keng ha eba le motho
ea ka le tsekisang lona, ho
fihlela le khutlela ho 'Mopi.



KHOELEHETSO HO BACHA

Re kopa bacha bohle ba
kheobong, tse ntseng li
thuthuha le tse seng li
iphumane ba bue le Moeletsi
oa Basotho ho:

newsroom@moeletsioabasotho.co.ls
kapa nomorong ea WhatsApp
ea +266 62600983 ho arolelana
le bacha ba bang ba nang le
khahleho ea ho qala khoebo,
empa ba sa
tsebe ba ka qala joang.

Komisi e re Lipholo a lokolloe

Nthabeleng Seithheko

Komisi ea Khotso ea Mokhatlo oa Linaha tsa Hloahloa e Boroa ho Afrika e etsa boipiletso bo matla hore moetapele oa Mokha oa Kopano ea Basotho (BCM), Dr. Tšepo Lipholo a lokolloe hanghang, ka lebaka la boemo ba hae ba bophelo le litokelo tsa hae tsa botho tse ntseng li hatikeloa. Tsena li bile ka

“Re tšoenyehile ka matla ke mokhoa o tsoelang pele oa ho sebelisoa ha matla a ’muso khahlanong le baetapele ba lipolotiki ba emelang maikutlo a fapakaneng. Tšoaroe e sa hlakisoang ea Dr. Lipholo ha e na motheo oa molao, 'me ke khethollo ea maikutlo a lipolotiki.” ho boletse Komisi polelong ea eona.

E boetse e khothalelitse ho thehoa ha Komisi e Khethileng ea Lipatlisiso tlasa SADC, e tla fuoa boikarabello ba ho hlahloba maemo a litokelo tsa botho Lesotho, 'moho le ho seka-seka

ea SADC.

Komisi e hlalositse Lipholo e le: “Moetapele ea khutsiseng oa lipolotiki, ea emelang ho busa ka toka, boikemelo ba Basotho le ho sireletsa mobu oa habo. E re eo ha se mofetoheli kapa senokoane, ke lentsoe la Basotho ba batlang ho utlua.”

Komisi e thehetse litllebo tsa BCM ka Qeto ea Machaba a Kopaneng ea 1817 (1962) le netefatso ea eona ka 1963, tse ileng tsa amohela boemo ba Basutoland e le naha e nang le boitsebahatso ba eona ba lipolo-



la 30 Loetse monongoaha. Komisi e bile ea isa lengolo la tletlebo ho Moemeli oa Lesotho Pretoria, ho bontša matšoenyeho a tebileng ka ho tšoaroe ha Lipholo. A mang a mabaka ke ho se lumelloe ka beili ha hae le ho qosoa ka nyeoe e hlakileng, e leng ketso eo Komisi e e hlalosang e le tlolo ea molao oa motheo le tliekefetso ea tokelo ea botho le ea puso ea sechaba ea sehcb.

litllebo tse ntseng li hlalisoa ke mokha oa BCM le Basotho ka kakaretso mabapi le tokelo ea boipuso le boitsebahatso ba Basutoland.

Polelo e tsoetsepele hore ho tšoaroe ha Lipholo ke pontšo e bohloko ea ho putlama ha boikarabello ba puso ea molao le ho senyeha ha litloaello tsa puso ea sechaba ka sechaba tse hlokomelang tikolohong

tiki, e sa lokelang ho qobelloa ho kopanngoa le Afrika Boroa.

“Khotso ea sebele tikolohong ena e ka fihleleha feela haeba liqeto tsa Machaba a Kopaneng tse buang ka tokelo ea boipuso li hlompheua,” ho phethela Komisi. Lengolo la tletlebo le lebitsitsoe Ofising ea Moemeli oa Lesotho e fumanehang Anderson Street, Menlo Park, Pretoria.

Ba reng e be karolo ea Afrika Boroa ke mengala-Theko

Nthabeleng Seithheko

Morena oa Sehlooho oa Thaba-Bosiu, Khoabane Theko o re o utloa pina e binoang ke sechaba ea hore Naha ea Lesotho e kopanngoe le ea Afrika Boroa, 'me o ile a qotsa puo ena tulong ea Ntlo ea Senate, ka la 1 Mphalane monongoaha ha ho ne ho tšohloa taba ea ketekelo ea letsatsi la boipuso.

O supa hore o ne a bone lengolo la baitseki ba Basotho hore letsatsi la la 4 Mphalane ha le lule hantle ho batho ba bang, e batla e ka ke la boinehelo. O re empa ke letsatsi le tšoaang boikemelo ba sechaba sa Basotho hore bo tle bo re fe tšobotsi ea hore se tsoelepele ka mesebetsi ea sona.

A bontša hore litaba tsa bohlokoa tse ntseng li tlameha ho sebetsoa ke hore qhobosheane ea Morena Moshoeshe I e ke e lokisoa bocha ho lengoe lifate tsa hae koano ho e-na le tsa Makhooa.

Ke moo a ileng a qotsa puo e reng ho na le batho ba reng Lesotho ebe karolo ea Afrika Boroa ka hobane

le hlolehile ka lebaka la tlhokahalo ea mesebetsi le litaba tse ling. O re litaba tseo ke tsa mengala, hobane mesebetsi oo Morena Moshoeshe I a ileng a o etsa ba bang ba re re inehetse hore re sitoa ho ikemela.

Ho sa le joalo, Morena oa Sehlooho oa Matsieng, Seeiso Bereng Seeiso o bontšitse hore selemong se tlang re keteka Golden Jubilee, a re na re fela re tebisa maikutlo ho lekana, ho kopa Molimo ho re bontša tsela na?

A re Basotho ba lokela ho hooa ho Moshoeshe le balimo hore na hana re lahile tsela kae, hore Lesotho e be naha e iketsetsang ka ho feellang; e be naha ea khotso, eo sechaba sa eona se e boulellang le ho ba le lentsoe litabeng tsohle. O re ke ka boinahano bo tebileng naha ena e ka bang le boleng le baetapele ba utloelang sechaba ba itebalang bo bona.

O re qholotso e teng ke hore na hana re le Basotho ba kajeno ha re hetla morao re ka re'ng? O re ha se taba feela ea ho keteka empa ke ho nahanela sechaba sa kamoso. O re bohle ba lokelela ho keteka ba ichebile le bokamoso ba naha e le bo behang litholoana.

<https://whatsapp.com/channel/0029VaksSPUJUM2dmlGDNh20>

Follow Moeletsi oa Basotho

Official WhatsApp Channel
and stay connected!



Fumana litaba tsa morao-rao, litsebiso, likhatiso le tse ling ka potlako ka menoana feela!



WhatsApp: 6260 0983

www.moeletsiobasotho.co.ls



MAZENOD TAILORING

Re etele Mazenod tailoring re u thuse ka litheko tse tlaase-tlaase ka tsena tse latelang:
Liaparo tsohle tsa likopano
Liaparo tsa kereke tsa baprasta
seaparo sa sekolo

Li ananela tlaleho



Thaba-Tseka e itlhoma pele

Nthabeleng Seithleko

Ele ho tsoelapele ka ntlafalo le bophelo bo botle ba sechaba, Lekala la Bophelo le ile la thakhola boithuto ba sekhahla sa tsoaetso ea kokoana-hloko ea HIV ka selemo sa 2019, moo tlaleho e utolotseng hore Setereke sa Thaba-Tseka se itlhomme pele ka 7%. Litaba tsena li hlaheletse 'mokeng oa bo-ralitaba ka la 25 Loe-tse monongoaha.

Ba ikarabellang ba neng ba fana ka tlaleho ea boithuto ba bona ho tloha ba qalile ho ea literekeng, ho hlahella ha tsoaetso e fumanoeng karolong ea sechaba e le holimo, 'me sena se bolela hore palo e eketsehile ka sekhahla se holimo.

Motlatsi oa Mongoli e Moholo oa Lekala la Bophelo, 'Mantšoanelo Monyobi o bontšitse hore lekala la habo le motlotlo haholo ka mafapha ohle a ileng a ema le bona ho kenya boithuto bona tšebetsong. A re ke bona bo kentseng letsoho ho fana ka lipalo-palo tseo ba li hlokanang mabapi le litšoetso tse ntseng li nyoloha kahar'a naha kaha Lekala la Bophelo le tsoere kathata ho bona tsoaetso ea kokoana-hloko ena e felile, sechaba se tseba ho itšireletsa khahlanong le eona.

A re hona ha se lipalo-palo feela tseo ba li fumanang ho ba neng ba ile boithutong empa ke tlaleho e tlii'o ba

thusa ho tiisa maano a shebaneng le ho thibela tsoaetso ea kokoana-hloko ea HIV haholo ho bana ba tlaase lilemong.

O re hona ke boithuto ba 'nete bo fanang ka mehopollo ea bohlokoa, e hlokanang hore mafapha a tsoereng litaba tsa ho isa litšebeliso tsa thibelo ea tsoaetso a khutle a se a matlafalitse maano a ona ntlheng ea ho fana ka thuto ho sechaba ntlheng ea ho itšireletsa.

A bontša hore ke ha feela lekala le tsoarane le mafapha ana, ho ka bonahalang phetoho e kholo haholo Seterekeng sa Thaba-Tseka moo ho bonahalang sechaba se ntse se salletse morao.

O netefalitse hore ba tla fetolela bopaki boo ba nang le bona tšebetsong hore Lesotho le atamele haufi haholo le ho netefatsa hore kokoana-hloko ea HIV ea thibeloa.

O tobokelitse hore tlaleho e supa hore bacha ba lilemo tse ka tlaase ho 24 ke bona ba bonahalang ba fumana tsoaetso ka bongata, 'me lekala le eletsa sechaba ho thibela tsoaetso ea lefu lena ka ho sebelisa lipilisi tse thibelang tsoaetso.

Mohokahanyi oa litšebeliso tsa tlhahlobo ea kokoana-hloko ea HIV/AIDS, Mphotleng Tihomola o bontšitse hore liphuputso tsena li bile literekeng tse 10 tsa naha, moo kakaretso ea litšoetso tse ncha e fetang 28, 000.

A re Lekala la Bophelo le tsitlallela ho kenya tšebet-

song mekhoha e fapakaneng ea ho thibela litšoetso tse ncha hammoho le bo-mphato ba lekala ba tsamaisana leeto lena. A re ha ho e-ba le litšoetso tse ncha ho bontša hore ho ntse ho e-na le khaello ea ho isa litsebo tsa thibelo ea tsoaetso ho sechaba hore se tsebe ho thusana ho nena tsoaetso ka ho sebelisa litlhare tse seng li le teng tsa thibelo ea tsoaetso.

O re ke tokelo ea Mosotho ka mong ho bona hore lipalo tsa tsoaetso ea kokoana-hloko ea HIV li'a theoha ka ho itšireletsa ka litsela tse fapakaneng.

Mookameli oa Liphuputso EGPAF, Dr. Puseletso Maja o itse boithuto bona bo tlii'o thusa Lekala la Bophelo esita le balekane litabeng tsa bophelo bo botle, ho ela hloko moo ho nang le khaello molemong oa ho ntlafatsa tšebetso moo ho nang le sekhahla sa tsoaetso.

O re liphuputso tsena li ba file monyetla oa ho bona moo litšoetso tse ncha li ntseng li hlaha, e le ho thusa Lekala la Bophelo ho fana ka tsela ea ho hlola qholotso moo ho ntseng ho e-na le litšoetso.

A bontša hore liphuputso tsena li tsamaile hantle, 'me ho boetse ha eba le maano a etsoang ke lekala le ipapititse le lipalo tseo le ileng la li bona boithutong boo.

Dr. Maja o re ba khotlaletsa batho ba seng ba ntse ba noa litlhare tsa tsoaetso ho li noa ka nepo, ba sebelise litaba tsa tšireletso tse teng le ho tseba boemo ba bona.

Nthabeleng Seithleko

Ntlo ea Mahosana e amohetse tlaleho ea Likomiti tsa Bophelo, Phepo e Nepahetseng le Lipehelo tsa Ntlafatso ea Moshoelella (SDGs) e buang ka litlamorao tsa liqeto tseo Presidente ea Amerika, Donald Trump e ileng ea li phatlalatsa ka Pherekhong. Tsena li hlaheletse tulong ea la 30 Loetse monongoaha.

Tlaleho ena e tla boela e fueo Litho tsa Ntlo, 'me lentsoe la moshoelella holima eona le tla fanoa ke Mookameli oa Ntlo kapa motlatsi oa hae.

H'a teka likateng tsa tlaleho ena, Molula-Setulo oa Komiti ena e Lisitseng Litaba tsa Bophelo le Phepo, Leboea Khoele o bontšitse Lefapha la Bophelo le ile la teka tlaleho ea ka moo liqeto tsa Presidente Trump li ammeng Litsi tsa Bophelo, Lesotho.

O re har'a litlamorao tseo ho kenyeletsa mananeo a kokoana-hloko ea HIV a ileng a angoa ke ho emisa ha litsieane tse neng li fanoa ke Naha ea Amerika. A re holima M2.2 Billione ea chelete e neng e fanoa e le ea Moralo oa Ofisi ea President ea Amerika bakeng sa Toantšo ea HIV/AIDS (PEPFAR), M82 Millione e ile ea khaoloa.

O bontšitse hore sena se ile sa etsa hore basebetsi ba Lefapha la Bophelo ba 625 ba lahleheloe ke mesebetsi, ba kenyeletsang lingaka, baoki, bahlabolli le ba bang. A re Letlole la Machaba leo le lona le neng le tšeheliso ke Amerika le ile la ameha, 'me la etsa hore phepo ea likhohlopo le tse ling e ameha.

Ho feta moo, a hlalosa hore litšebeliso tsa ho tlosa letlalo la botona li ile tsa lokela ho ema hobane ho ne ho se ho se tšehetso ea lichelete. O re Lefapha la Bophelo le tlalehile hore ha le ntse le etsa lintlafatso le ile la kopana le qholotso ea ho khutlela morao holima lintlafatso tseo ba neng ba li entse ka lebaka la ho hloka tšehetso ea lichelete.

A re litlhare tse neng li se li fumaneha meching ea li-ATM hore bakuli ba HIV ba li fumane meching ha bonolo, ha esale taba e teng le hoja hoo e ne e le mohato o moholo. A eketse ka hore le tšebetso ea litsi tse fanang ka litlhare e

ile ea ameha ka lebaka la tlhokahalo ea tšehetso ea lichelete.

Khoele a re tlasa lenane la Lefu la Lefuba (TB), Lefapha la Bophelo le re tšebetso ea ho etsa khoelehetso ea ho khotlaletsa hore batho ba hlahlobele TB e ile ea emisa ka lebaka la ho emisoa ha tšehetso ea chelete e kaalo ka M19 Millione ke Letlole la Machaba e tšehetsoang ke Amerika.

A supa hore ka lebaka leo komiti eo e tlalehile hore kaha ho ne ho se tšehetso bakeng sa ho alafa TB, bakuli ba lona ba ile ba qetella ba tsoaroa ke TB e manganga (MDR TB). H'a tsoelapele, o re lefapha le tlalehile hore Setsi sa Taolo ea Mafu(CDC) se ntse se tsoelapele feela ha ba na bonnete ba hore na se tla sebetsa ho fihlella hokae ka lebaka la khaello ea lichelete.

H'a phethela o itse lefapha le lile ka hore bahlomphehi ha ba ee litsing tsa bona tsa bophelo, 'me a re komiti e tiisitse hore ho na le sebak sebakeng sa bona e le bahlomphehi, 'me ba tla fumana litšebeliso tsa bona ho ea ka boemo ba bona.

Litho tsa Ntlo li ile tsa ananela tlaleho ena, moo Morena oa Sehlooho oa Thaba-Bosiu, Khoabane Theko a thoholelitseng lefapha ka hore ho bonahala le ikitlaellelitse ho etsa tšebetso e ntle. A re Trump ke motho ea bohale, ea halefetseng Ma-Afrika empa ka 'nete le teng.

A re ho se ho sebelisotse chelete e ngata haholo ke linaha tse ngata tse tšehetsoang ke Amerika, ho lutsotse ka boiketlo, 'me a re ke nako ea hore linaha li eme ka maoto li iketsetse. O itse Lesotho le lokela le lule fatše le rale hore na le ea joang pele ho tloha mona.

Ha e le setho sa Ntlo ea Senate Mofumahali 'Mawinnie Kanetsi o bontšitse hore ho hlola bothata bo teng kahar'a Naha ea Lesotho 'muso o lokela o supe tsela ka hore ho ke ho lesotse tlhopho-bocha ea lipolotiki ho kenoe ho ea moruo.

A re mathata 'ohle a naha ena a tla fela ha feela Lesotho le ka tlohella ho sebetšana le tlhopho-bocha ea lipolotiki, le tle le e bone qetellong le shebane le ea moruo.

A re sena se tla thusa Lesotho ho tlohella ho itšetleha ka lithuso tsa linaha tse ling. Hape a re lebaka ke hobane lela le lapileng ha le na tsebe ebile ha le atlehe ho tsepamisa maikutlo.

Lekala la Bophelo le ile la hlaha ka pel'a Likomiti tsena tsa Bophelo, Phepo e Nepahetseng le tsa Ntlafatso ea Moshoelella (SDGs).

M3.4 Billione e kae?

Nthabeleng Seitlheko

Moetapele oa Bohanyetsi Paramenteng, Mathibeli Mokhothu o re 'muso o etelletsoeng pele ke Mohlomphehi Samuel Matekane, o itjeletse M3.4 Billione eo ba ikabetseng eona kathoko ho paramente. O boletse tsena 'mokeng oa bo-ralitaba oa la 1 Mphalane monongoaha.

O re taba ena e pakahatsoa ke hore ebe ona 'muso o sitoa ho nehelana ka lito-komane tse hlalosang tšebeliso ea lichelete tse joalo. O re ho ea ka Molao oa Motheo karolo ea 110 oa selemo sa 1993; chelete eohle ea sechaba e sebelisoa e abiloe ke paramente. Ha karolo ea 112 eona e supa hore ebang 'muso o se o iphile chelete o lokela ho itlhalosa kapel'a paramente.

Ho feta ho etsa sena, ba fana ka setšoantšo sa molao se sa etelloang pele ke tšebeliso ea lichelete. A bontša hore Letona la Lichelete le Meralo le lutse holimo tlaleho ea lichelete



ea Mohlahlobi e Moholo oa Libuka ea selemo sa 2023-2024 e le ea pele ba ntse ba le pusong le tšebeliso ea lichelete tsa LNDC, 'me seo se tsoelapele ho hatikela Molao oa Motheo.

O supile e le ke bothata hore tšoaroe mpe ea Basotho naheng ea boahelane e lokisoa, kaha 'muso o momeitse litaba li ntse li hloa mekoalaba.

Moetapele oa BAP, Prof. Nqosa Mahao o hlalositse hore Basotho ba lahliloe khrehloa ke 'muso ona, 'moho le bacha ba sa the-

heloeng mesebetsi. A re Basotho ba tingoa menyetla ea ho kena Litsing tsa Bophelo le lithare tsa bophelo bohle naheng ea boahelane e leng e meng ea melao e khahlanong le Molao oa Motheo oa Afrika Boroa le ea sechaba se phelang linaheng tsa habo eona.

O re liketsahalo tsena li ba qositsoe hore ba etse lengolo le tekeneloang ke Basotho le tla isoa paramenteng ea Afrika Boroa le ho Tona-Kholo ea Lesotho.

Moetapele oa UAT, Dr. Mahali Phamotse eena o

itse 'muso o teng ha joale o iketile ka leshano hobane o qalile ka ntho eo ba neng ba sa e bua ea ho felisa tlala le ho hlalisa mesebetsi. O re ho bohlokoa hore Molao oa Motheo o sireletse Basotho hobane e bang ba sa etse joalo ba tl'o ba tsietsing ke bona.

Ka lehlakoreng le leng, Moetapele oa BNP Machesetsa Mofomobe, o hlalositse hore Molao oa Motheo ha o sa sireletsoa ha ho motho ea tla o sireletsa, kaha ba bona hore Tona-Kholo h'a na thahasel-

lo ea litaba tse etsahallang Basotho ba Afrika Boroa e leng taba eo a ka beng a buile ka eona 'mokeng oa machaba.

O hlalositse hore ba lokela ho bula linyeoe mapoleseng khahlanong le batho ba tloang Molao oa Motheo, haholo Dr. Retšelisitsoe Matlanyane le Letona la Khoebo, Mohlomphehi Mokhethi Shelile.

Har'a litaba tse ling tse hlalelletse 'mokeng ona ke hore 'musong ona, lihoai li sokola lipeo le manyolo, ha marena le makanselara a lla ka ho se lefshoe le ho se kenngoe tlas'a bosebeletsi ba sechaba. Le ho tšoaroe ha Dr. Liphloa a sa fuoe beili, le hoja a se kotsi sechabeng.

Ba bile ba supa hore seo ba tlang ho se etsa ha feela 'muso ona o ntse o ikoetse litsebe, ke ho ba hoantela e le bohanyetsi, ho ngolla Machaba ba makalla tšebetso ea Presidente ea Afrika Boroa Cyril Ramaphosa le Tona-Kholo Samuel Ntsokoane ka tšoaroe e mpe ea Basotho. Seo ba se hlokanang ke motsamano o lokohileng lipakeng tsa linaha tsena, ho sebelisoa likarete tsa boitsebiso, Basotho ba nolofalloe ke ho kena likolo Afrika Boroa ho se lipehelo.

Bacha ba buloa mahlo

Nthabeleng Seitlheko

Lekala la Liphatlalatso, Likhokahanyo, Mahlale, Tšebeliso ea Mahlale le Boqapi ka kopanelo le UNDP li letšolong la ho fa bacha ba litereke thuto ka boqapi e le mokhoa oa ho itšoarela ka matsoho le ho felisa tlhokahalo ea mosebetsi. Tsena li hlahella Seterekeng sa Quthing, ka la 26 Loetse monongoaha.

Motlatsi oa Mofuputsi Lefapheng la tsa Mahlale, Tšebeliso ea Mahlale le Boqapi, Puseletso Thubela o bontšitse bohlokoa ba hore bacha ba litereke ka ho fapakana ba fumane thuto ka boqapi le tšebeliso ea mahlale ho matlafatsa boqapi ba bona.

A re ke morero oa 'Muso oa Lesotho ho kena kahare ho morero oa ho tsamaea le litereke ka ho fapakana ho bua le bacha ka litaba tsa boqapi, hobane ho fihlile tlhokomelong ea bona hore Basotho ba na le talenta ho sa natsoe maemo kapa sebaka seo motho a phelang ho sona.

O re bacha ba na le

matla a ho ntšetsa moruo oa naha pele 'moho le ho koala sekheo sa tlhokahalo ea mesebetsi kaha ba tla be ba itlhalisetsa ka boqapi ba bona. A re ba menyetleng ea ho una melemo e mengata kaha ba fumana tšebetso e matlafetseng ho 'muso 'moho le UNDP tlasa sethala sa UniPod Hub moo teng ba nang le monyetla oa ho matlafatsa boqapi ba bona hore lihlahisoa tseo ba li etsang li be le bophelo.

O tsoetsepele ho hlalosa hore bacha ba nke khato ho ingolisa ho lenaneo la Sebatatso moo teng ho ingolisang bacha ba entseng likhoebo kapa ba nang le mehopoloe ea ho qala likhoebo 'moho le STEAM moo teng mocha kapa motho e moholo a nang le monyetla oa ho nka karolo.

O hlalositse hore Mokhatlo oa Litichere (LSMTA) le ona o nkile karolo ka ho otlala bacha ba sa le lilemong tse tlaase ho tloha boemong ba Likolo tsa Mathomo. A re ho otlala bana ba sa le lilemong tse tlaase ho molemo kaha ba na le merero eo ba e etsang eo ba ka e qalang ba sa le Likolong tsa Mathomo.

Lebitsong la UNDP, Libuseng Mahlatsi o supile

hore tlasa sethala sa UniPod, bacha ba amohelehile ho ntšetsa boqapi ba bona pele. A re sethala seo sa bona se fumaneha Sekolong sa Lerotholi Polytechnic, moo teng ba tla fumana lithuso ka mechini ea boleng bo holimo ho thusa ho matlafatsa boqapi ba bona, ekaba tl'asa lefapha la moroko, lijo, 'mino le lepolanka. Ho feta mona, o hlalositse hore UniPod ha se feela sebaka sa ho sebetse, empa ke sebaka sa ho ithuta, ho hola litsebo tsa bona le ho kopana le bacha ba bang ba nang le tjantjello e tšoanang.

O re ba lumela hore boqapi bo ka fetola bophelo, 'me ba ikemiselitse ho ba le bona leetong lena. O re bacha ba Lesotho e ka ba baetapele ba kamoso ba tlišang phetoho ka boqapi ba bile ba hlalisa lihlahisoa tse ncha tse ka rekisoang lefatšeng ka bophara.

H'a phethela o itse UniPod ke sebaka seo litoro li fetohang 'nete ho sona ka tšebetso ea lisebelisoa le boeletsi bo botle ka hoo ha ho letho le ka le emisang.

Poloko Majola ho tsoa Ofising ea Mongoli-Kakaretso o hlalositse hore bacha ba lokela ho sireletsa boqapi ba bona ka hore

ha motho e mong a ka rata ho bo sebelisa a tle a fumane lekeno la litsiane. A re ofisi ea habo e ikemiselitse ho tšehetsa bacha; ho ba thusa ho sireletsa boqapi ba bona 'moho le ho ba ruta ka litokelo tsa bona tsa boqapi.

O boetse a bontša hore ho sireletsa boqapi ha se feela taba ea ho fumana chelete kapa lithuso empa ke tsela ea ho bo sireletsa khahlanong le bosholu ba maikutlo le mehopoloe. A re ha motho a bo kentse kahare ho molao, e se e le mong'a bona ka molao 'me sena se o fa matla a ho etsa liqeto tse kholo mabapi le tsela eo bo ka sebelisoang ka eona.

A tsoelapele ho hlalosa hore lefatše le fetoha ka potlako ka lebaka la marang-rang, 'me boqapi ka mehopoloe e mecha ke motheo oa kholo ea moruo oa naha. O re bacha ba nang le boqapi bo sireletlitsoeng ba monyetleng o moholo oa ho bula likhoebo, tšebeliso 'moho le mekhatlo e meholo, esita le ho aha likhoebo tse thehiloeng mehopolong ea bona. O ipilelitse ho bacha ho se nke boqapi bona ka bosoaso kaha e le letlotlo le ka fanang ka bokamoso bo khanganyang.

Lebitsong la bacha, Lebhang Nthethe o itse ba motlotlo ho tseba ka lena-



neo lena le khothaletsang bacha ho iketsetsa ka mokhoa oa boqapi kaha boholo ba bacha sebakeng seo ba ne ba hloka tsebo ka lenaneo leo.

A re ba leboha 'muso ka Lekala la Liphatlalatso, Likhokahanyo, Mahlale, Tšebeliso ea Mahlale le Boqapi ka ho fana ka tšebetso e matla le ho hlokomela hore ruri bacha ba na le monyetla oa ho nyolla moruo oa naha 'moho le ho fanya tlhokahalo ea mosebetsi ka litalenta tsa bona tse fapakaneng.

O re ba nka lenaneo lena e le letšoao la tšepo le phetoho sebakeng sa bacha ba bangata ka ho fua monyetla oa ho sebetse ka matsoho le ho ntšetsapele mehopoloe ea rona. O re tšebetso ena e bontša bohlokoa ba menyetla eo ba nang le eona ba sa emele mesebetsi feela ba iqapela.

A khothaletsa le ho ipiletsa ho batsoali, litichere le sechaba ka kakaretso ho tšehetse bacha mererong e kang ena hobane tšebeliso 'moho e lebi-sa katlehong.

A phethela ka hore ha bacha ba fua sethala se nepahetseng, ba atleha ho bontša boikitlaetso ba bona ka botlalo, ka hona ba kenya letsoho ho theha naha e matlafetseng e bile e na le boiphihlelo.





TSA KEREKE

IMBISA e keteka Jubilee ea Khauta

Tšeliso Thakholi

Seboka sa bo-14 sa Babishopo ba Kereke e Katholike ba Tikoloho e ka Boroa ho Afrika(IMBISA), sa boitlhallobo le meralo, se neng se bile se tšoea ketekelo ea sona ea Golden Jubilee, se bileng Tikolohong ea Manzini Naheng ea Eswatini ka

bang."

H'a amohela baeti Mobishopo oa Tikoloho ea Manzini Mohlomphehi Jose Ponce de Lean o ile a ba hopotsa hore karolo e kholo ea nalanane ea Naha ea Eswatini eo ke kileng ea e nka ke ho tloha ha IMBISA e thehoa ka selemo sa 1975, ka ho tsamaisa likopano tsa pele tsa meralo ea eona. Ka hona Eswatini e ile ea feto-

ka tseo a itseng takatso ea Motlotlehi Mswati III ke ho bona li fetohile Junifesithi ea Kereke e Katholike. A qetella ka ho boela a leboha Kereke haholo ka tšehetso ea eona ea ho hlokomela le ho lefella bana ba hlohang mabapi le thuto ea bona le bophelo bo botle.

Ho sa le joalo, seboka boitl-hahlobong le meralong ea sona se boetse sa kenye-



la 24 ho isa la 28 Loetse monongoaha, se tlalehoa e bile se atlehileng haholo papisong le lilemo tsa ho feta.

Seboka sena se ileng sa buloa ka Sehlabelo se Halalelang sa 'Missa, se neng se etelletsoepele ke Presidente ea IMBISA Moarekabishopo Liborius Ndumbukuti Nashenda OMI oa Windhoek, Namibia se ne se itšetlehile ka mohoo o reng: "Leeto la ho tsamaea 'moho le phelisoang ke kutloelano-bohloko le tumelo joaloka batho ba nang le tšepo."

Puong ea hae Mobabatshehi Nashenda o hopolitse baetapele bana ba Kereke ea Morena Molimo e leetong lefatšeng hore ketekelo ea Golden Jubilee selemong sena sa 2025 ha se feela ea sehopotso sa tse fetileng, empa ke pitso sebakeng sa ho nchafatsa boitlamo ba bona, ba matlafatsa karolelano ea maikutlo, ho khothalletsa tsotellano, ho nena litšebo le ho boloka khotso. A tiisa puo ea hae ka maele a Seafrika a reng: "haeba u batla ho potlaka, tsamaea u le mong. Empa haeba u batla ho ea hole tsamaea ha 'moho le ba

ha lehae le ho ba Ofisi ea pele ea IMBISA.

A thoholetsa ka thabo e kholo le ho bontša khotsofalo ka hore ebe seboka sa monongoaha e bile se atlehileng haholo ho feta lilemo tsohle kaha ho bile le palo e ngata haholo ea babishopo ba bileng teng. H'a bua ka Kereke le 'Muso oa Eswatini, o ile a thoholetsa tšebeliso 'moho e mofuthu ea nako e telele lipakeng tsa Kereke e Katholike le 'muso haholo-holo mafapheng a kenyeletsang har'a a mang a mangata la thuto, bophelo le litšebeliso tsa sechaba.

Lebitsong la Tona-Kholo Letona la Thuto, Mohlomphehi Owen Nxumalo o qalile pele ka ho fetisetsa litumeli-so tsa hae tse mofuthu ho tsoa ho Motlotlehi Mswati III. A re Eswatini ke naha e thehiloeng holima bokriste. A hopotsa 'moka ona hore Morena Mswati II ke eena ea neng amohela barumuoa ba pele ka 1844.

A re Kereke e kentse letsoho le toma litabeng tsa thuto naheng ena kaha e na le likolo tse 47 ka kakaretso, 'me har'a tsona tse 13 ke tsa mathomo ha tse ling e le tsa koetliso ea bonga-

letsa har'a tse ling borapeli, lipuisano tse tlišang tšepo le liqholotso tse tobaneng le tikoloho ho tloha ka puso, baetapele, kabo ea toka, bacha, paballo le polokeho ea bophelo ba sechaba le ho khothaletsa khotso le bonngoe.

-CNA-

Thapelo ea Khotso

Oho Molimo oa toka le khotso, re hlonoletse rona baahi ba Lesotho, 'me u re thuse ho phela khotso le leratong la hao.

"Morena, nketse mosebetsi oa khotso ea hao. Moo lehloeo le leng teng, ke jale lerato. Moo batho ba fosetsaneng, ke jale tsoarelo. Moo lipelaolo li leng teng, ke jale tumelo. Moo batho ba nyahameng pelo, ke jale tšepo. Moo lefifi le leng teng, ke tlise leseli. Moo masoabi a leng teng, ke jale thabo. Molimo oa ka, etsa hore Ke se ipatlele ho tšelisoa, ke mpe ke tšelisoe ba bang. Ke se ipatlele ho utloisisoa, ke mpe ke be ea utloisisang ba bang. Ke se ipatlele ho ratoa, e mpe e be 'na ea ratang ba bang, Hobane ke ka ho fana, re fumanang, ka ho tsoarela, re tsoareloang. Ka ho shoa, re tsoalloang bophelo bo sa feleng.

Amen."

2024-2025 SELEMO C

SONTAHA SA 27 HAR'A SELEMO



Habakuke 1:2-3;2:2-4
Pesalema 94
2 Timothi1:6-8.13-14
Luka 17:5-10



Khothatso

Tumelo le sebete

Re entse qeto ea hore tsoelopele haholo marang-rang a fetotse lintho tsohle, empa ho na le polelo e reng ha lintho li fetoha li ntse li hata mehlaleng ea khale; ka hona ha li fetohile hakaalo. Ho tloha ka selemo sa 600 RC nakong ea boprofeta Habakkuke le selemong sa 100 AD nakong eo ho neng ho ngoaloa lengolo la bobeli ho Timothi hofihlela nakong ena eo re phelang ho eona ho na le mathata kapa liqholotso tse tobaneng le tumelo le ho tšepahala.

Nakong ea Habakkuke ho ne ho e-na le lintho tse ngata tse bohloko, tse kho-po li bile li hloka mohau; ba khopo ba ne ba tlatlapa ba lokileng haholo. Joale moprofeta joaloka motho ea bohlale haholo, ka hlomphe eohle puisanong ea hae le Molimo kajeno o ipotsa hore na hobane'ng Morena a tlohela ba lokileng ho haroloa ke ba sa lokang. Morena o fana ka likarabo tse 'maloa; letsatsi la toka le tla fihla ka nako ea Morena eo batho ba ke keng ba e utloisisa. O ntse a lokisa tsohle hore li etsahale ka tsela e nepahetseng, 'me baetsalibe ba tla fela empa ba lokileng ba tla phela ka lebaka la ho tšepahala ha bona.

Evangelizing Baapostola ba kopa Morena ho ba ekeletsa tumelo; sena se bontša hore ba ne ba tseba 'nete ea hore tumelo ha se ntho eo motho a ka e rekang, ho e amohela kapa ho e hapa. E tsoa ho Morena Molimo feela, ka hona bohle le lokela ho etsisa Baapostola; le e rapelle, le kope e eketsoe ha e fokola haholo maemong ao le iphumanang le e-na le khoaho.

Morena Jesu o sebelisa mohlala oa sefate joaloka tumelo e ka fetolang tsohle lefatšeng. Lintho tseo ka chebo ea mahlo kapa ka tlholelo li ka sitoang ho etsahala, ka tumelo li ka etsahala habobebe feela. Litemana tse ling tsa Evangeli li ruta barutuoa ka bohlokoa ba ho ba le boikokobetso bosebeletsing ba Morena Molimo.

Keletso ho Timothi kajeno e qala ka ho mo hopotsa ho tsosolosa neho ea Molimo ka ho eena; kaha o na le monyenyanane o ne a ka oela tekong ea bokhelohi habonolo ka hona o lokela ho ba sebete. O fuoa molaetsa o batlang ho tsoana le oa Habakkuke; ho mamella mathata ka lebaka la litaba tse molemo empa a itšetlehile haholo ka matla a Morena Molimo. Ho tsohle tseo a li etsang a be le matla e le hore a tsebe ho mamella, ho rata haholo molemong oa bao a phelang le bona.

Timothi o lokela ho boloka thuto ea tumelo e hloekile, eo methoho ea eona eleng Kriste ka sebele. Le hoja thuto ea Kriste e ka hola kapa ea matlafala, e lula e tsoana ho isa khale. Re itšetleha ka tumelo le ho tšepahala hohle, re sa lahle tšepo ho Morena Molimo 'me re sebetsa 'moho le Moea o Halalelang o teng ka ho rona ho boloka maruo le menono eohle ea tumelo.

Paulosi joaloka motšoarua Rome o ile a tiisetse tumelong ea hae, leha a ne a teetsoe hare ke bahetene h'a ka fetohela Morena Molimo; o ile a beha bophelo bohle matsohong a hae hobane a tseba hore o'a tšepahala litšepisong tsa hae. Molaetsa oa Morena Molimo ho moprofeta Habakkuke, Paulosi, Timothi 'moho le Baapostola o bohlokoa le ho rona kajeno. Lintho tsohle li ka fetoha empa ha e le Lentsoe la Morena lona le tla lula le tsoana kamehla. Tumelo ea rona ho Morena Molimo o tiisoa le ho matlafatsoa ke liqholotso tsa lefatše; ha u kopana le mathata a lekang tumelo ea hau u se re ka pelong ea hau, "Hobane'ng 'na Morena?" hobane seo u fetang ho sona se u fa lihlo-mo tse tla u thusa nakong e tlang. Lea tseba hore mohale o tsoa maroleng akere; joale tumelo e lekoang e u lokisetsa ho ba mohlalani ea tla loanela Kriste Jesu lefatšeng lena le tletseng bokhopo le bohateeli. Tiisetse ke hona hobane Morena Molimo ha ho le ka mohla a tla u lahla, ka nako ea hae u tla fumana phetsetso ea ba u entseng hampe 'moho le mofapahlooho oa tlhlo.

Bahalaleli har'a Beke

6	Mphalane	Bruno
7	Mphalane	Osyth
8	Mphalane	Thais
9	Mphalane	Sabinus
10	Mphalane	Fulk
11	Mphalane	John XXIII

E khetha letsatsi la Liki



Tšeliso Thakholi

Komiti e Tsamaisang Liki e Kholo ea Bolo ea Maoto ea Basali (WSL), e khethile letsatsi la la 12 Mphalane monongoaha e le la ho qala ha lipapali tsa Liki tsa selemo se secha le hona ho phatlalatsa ka molao tsela eo lihlopha li pannoeng ka eona le matsatsi ao li tlang ho bapalana ka ona.

Joaloka kamehla liki e ntse e tliio keneloa ke lihlopha tse 10 tsa bolo ea maoto ea basali e leng: Lijabatho Ladies, LDF Ladies, Berea Ladies, Bokamoso College Ladies, Mphaki HS Ladies, FC Stoko Ladies, LMPS Ladies, bompoli ba Liki e Kholo Kick4Life Ladies le lihlopha tse peli tse ncha tse sa tsoa kena liking e leng Villa Ladies le Mawes Ladies.

Lilemong tsa ho feta lihlopha li ne li bapala beke le beke lipapali tse peli tse tsoareloang ka Boroa le ka Leboea, empa ho late-la lithlophiso tsa selemo sena, lihlopha li tlii'o sebelisa mabala a fapakaneng a kenyeletsang har'a a mang la Mawes, Bokamoso, LDF, Lijabatho, Kick4Life, FC Stoko, LMPS, Mphaki le le lecha la Villa.

Selemong sena basireletsi ba sekola ke Kick4Life Ladies kamor'a ho hapa bompoli selemong se fetileng, 'me eona ea theola LDF Ladies kamor'a ho etella liki pele nako ea lilemo tse telele. Ha li thakhoha fela ka la 12 Mphalane ke mona moo sehlopha se secha sa Villa Ladies se tlang ho bapala le Lijabatho Ladies

Lebaleng la Kick4Life, ebe papali e hlalamang LDF Ladies e tla isana holimo le tlase le Berea Ladies. Hona letsatsi le tsoanang

bompoli ba Liki e Kholo e leng Kick4Life Ladies e tla botsana lipotso le Mphaki HS Ladies hona ka Lebaleng la Kick4Life. Athe

papali ea ho qetela e tla ba lipakeng tsa Mawes Ladies le Bokamoso Ladies e tlang ho bapalloa Lebaleng la FC Stoko.

Ho ea ka bakoetlisi ba lihlopha tsa liki ea basali lihlopha tsa bona li malala-a-laotsoe ho tla e hlanaka. Ha tse ling li qalile boikoetliso ba tsona bo matla e le hona ho iphumana li le kahar'a lihlopha tse 'ne tse ka holimo lokong ha selemo sa lipapali se fihla pheletsong. Haele sehlopha sa Berea Ladies se hlile sa qalella ho ithlophela lipapali tsa Liki e Kholo ka ho hapa Mohope oa pele oa Basali oa Alliance o neng o bapalloa Lebaleng la LCS, Maseru ka la 16 Loetse monongoaha, moo se neng se pole Linare Ladies ka phafa ea 6-0.

Ke lipapaling tsena moo Mokoetlisi oa Berea Ladies Monghali Lehloenya Nkhasi a neng a bolele phatlalatsa hore selemong sena sehlopha sa habo se ikemiselitse ho khutlela mekhoeng ea sona e metle ea ho hapa mehope eohle ho kenyeletsa le oa Liki. A bontša hape hore selemong sena ba matlafalitse sehlopha sa bona ka libapali tse ncha ho tsoa lihlopheng tse ling tsa Liki le tse ling tse nyenyane tseo e leng hona li ntseng li thuthutha.

Pirates e feta mohoalotso

Tšeliso Thakholi

Sehlopha sa Orlando Pirates ea Afrika Boroa se thabisitse barati le batšehetsi ba sona ka ho teteka sehlopha sa Lioli 'Tse Nala' ka phafa e bohloko ea 4-0 papaling ea leoto la bobeli ea selemekela sa Mokhahlelo oa pele oa Mohope oa CAF Champions League, e neng e bapalloa Lebaleng la Orlando Stadium, Afrika Boroa ka la 27 Loetse 2025. Bobeli lihlopha li ne li thulane joalo ho ntšana bothaka papaling ea ho fetela mokhahlelong o hlalamang oa Mohope oa CAF Champions League. Ka ho shapa Lioli kapel'a batšehetsi ba eona ba neng ba ile Afrika Boroa ka bongata bo hlolang ho ea tšehetsa sehlopha sa habo bona, Orlando Pirates e timme liphala tsa barati ba bolo ba Lesotho ba neng ba tiisa ba hlapanya hore Lioli e tla o besa o tuke Soweto, empa se khutlile tšiba ho lla tse ka mahafing!

Ka bomalimabe litoro le litaba-tabelo tsa balebelli ba bolo Lesotho, li ile tsa fela ha Tshepang Moremi oa Pirates a hlaba ntlha ea pele metsotsong ea ho qetela ea nako e ekelitsoeng ea koro-lo ea pele ea papali, eba bahlankana ba Lioli ha ba

qeta ho e tlosa ka lipelo tse bohloko mokhubung oa lebala, moletsaphala o e bulula habeli hore li ee khofutsong. Ha li khutla khofutseng metsotsong e meraro feela li qalile lerumo le ile la boela la hlaba batšehetsi ba Lioli, ha Moremi a boetse a iphetla a hlaba ntlha ea bobeli e ba 2-0.

Hamorao papali ea loela, bahlankana ba Orlando Pirates ba qala ho itšupa hore ha e ke e qaloa mokoting, 'me mona ke Soweto ha se Lesotho, 'me 'mapala-hare ea kotsi oa Orlando Pirates Tshegofatso Mabasa, a thabisa batšehetsi ba habo ka ho akhela lintlha tse peli ka letanteng ea eba 4-0. Joale tsa e hloa lekhoara ho Lioli, 'me bahlankana ba Pirates bolo ba e hata ba e hatoha

ka neheletso e makhetha ka ho fetisisa. Orlando Pirates ea ipabola papaling ena, haele Lioli e ne e pulufalletsoe ho bonahala hantle hore e se e ntse e rapela hore moletsaphala a ba namolele ka ho letsa phala la ho qetela pele e shapuo a ho feta.

Ho ile ha fela ha eba joalo, moletsaphala o ile a bulula ka makhetlo a mararo e le ho bontša hore papali e felile Lioli e sasaruoe ka kakaretso ea thupa ea 7-0 kaha leotong la pele e ile ea shapuo a 3-0. Ka phafa ena e kana-kana leeto la Lioli le ne le fella Orlando Stadium, 'me e khutletse hae ho tla tsoela pele ka lipapali tsa eona tsa liki le ho tla boela e bapala Mohope oa letsatsi le le leng oa Maloti Ce-

ment Cup ka la 5 Mphalane monongoaha bakeng sa ho tlotlisa Mokete o moholo oa Boipuso ba Naha ea Lesotho.

Lihlopha tse tlii'o gothisana lehlokoa ke tse 'ne tseo liki e ileng ea phetheloa li le kaholimo lokong ea Vodacom Premier League ngoahola e leng Lioli, Bantu, LDF le Matlama tseo e leng tsona tse kholo Liking. Ha ho le joalo bohlophisi ba lipapali tsena, bo ile ba etsa qeto ea hore batšehetsi ba sehlopha ka seng ka livoutu, ebe bona ba khethang libapali tse 22 tseo ba ka ratang ho li bona li bapala lipapaling tsena tseo har'a tsona ho tlang ho bapala tse 11 ka lebaleng. Ka hona livoutu li ntse li tsoelapele ho fihlela ka khitla letstasing la papali.



LeFA e nyolla botšehetsi

Tšeliso Thakholi

Mokhatlo oa Le-sotho oa Papali ea Bolo ea Maoto(LeFA) ka Lenane-Tšehetso la ona la ho otla talenta ea bacha lilemong tse tlase, le seng le bitsoa Eyes on the Ball(EoB), o khakotse le ho kenya tšebetsong nyollo ea khahlametso ho Mekhatlo ea Bolo ea Litereke(Li-Di-FA), ho tloha ho chelete e kaalo ka M1 Million ho isa ho M2 Million e le ho fetola bophelo ba papali ea bolo literekeng.

H'a phatlalatsa le ho kenya tšebetsong nyollo ea khahlametso ena ho li-DiFA 'mokeng oa baphatlalatsi ba litaba tsa lipapali o bileng Bambatha, Maseru ka la 29 Loetse monongoaha, President ea LeFA Adv. Salemane Phafane KC o boeletse baphatlalatsi ba litaba hore kamor'a boithuto ba nako e telele le ho fuma boelets, ba fihletse qeto ka tšebeliso 'moho e mofuthu le Komiti e Kholo ea Phethatso ho fetola lebitso la Lenane-Tšehetso lena ho le bitsa Eyes on the Ball ha pele le ne le tsejoa ka lebitso la LAP.

Are hang kamor'a ho fetoloa ha lebitso ba ile ba boela ba nyolla khahlametso ea li-DiFA seterekeng ka seng ho tloha ho M100,000.00 ho isa ho M200,000.00 eo kakaretso ea eona e seng e nyolohetse ho M2 Million. "Re se re entse meoloane e seng e bile e kene tšebetsong e tliil'o thusa le ho tataisa hore na chelete eo e M2 Million, litereke li ka e sebelisa joang." O boletse joalo.

H'a tsoelapele a bontša hore tebello ea bona ke hore baetapele ba litereke ba tla ela hloko melaoana ea tšebeliso ea chelete eo, 'me ba e sebelise ho latela meoloane e behiloeng ea tsamaiso le tšebeliso ea eona. A etsa tlhokomeliso ho baetapele ba litereke hore ba ke keng ba hlomphe meoloane e behiloeng ho tla ba le litlamorao tse bosula khahlanong le bona.

Adv. Phafane hona 'mokeng ona o boetse a phatlalatsa mabitso a macha a Litsi tsa LeFA tsa koetliso ea bolo ea maoto tsa litereke tsa Leribe le Mohale's Hoek. A re Setsi sa Koetliso ea Bolo sa Setereke sa Mohale's Hoek se neng se



tsejoa ka lebitso la DiFA Mohale's Hoek ho tloha kajeno, se se se bitsoa Sebatana Russel Technical Centre(SRTC), e le ho tlotla mohale enoa oa Basotho ea ileng a ithukhubetsa ka matla a maholo Seterekeng sa Mohale's Hoek litabeng tsa tsamaiso ea bolo ka ho tsamaisa sehlopha sa Majantja ho fihlela Morena a mo biletsa hae leholimong.

A re Setsi sa Koetliso ea Bolo sa Setereke sa Leribe se neng se tsejoa ka DiFA Maputsoe, "hantle ha re na ntho e bitsoang DiFA Maputsoe, ka nepo re na le DiFA Leribe," sona se rehelletsoe ka khalala ea mehleng ea bolo ea maoto e kileng ea bapalla sehlopha sa Linare le sehlopha se seholo sa naha, e leng Tšeliso "Saxophone" Thejane. "Ho tloha kajeno setsi sena se bitsoa Tšeliso "Saxophone" Thejane Technical Centre(STTC)." A rialo.

A boela a bontša hore kamor'a boithlahlobo bo matla le ho eletsana le ba bang ba tsamaisang bolo ka kopanelo le Dr. Mahali Phamotse, ba entse phetoho e 'ngoe hape ea lebitso la lipapali tsa B Division tse tšehelitsoeng ke Dr. Mahali Phamotse, ka hore ha li sa tla bitsoa Dr. Mahali Phamotse B Division League empa li se li tla bitsoa Dr. Mahali Phamotse National Top 8 kaha a tšehelitse lihlopha tsa B Division boemong ba naha e seng ba liki.

A qetella ka ho ipiletsa ho baphatlalatsi ba litaba tsa lipapali ho ruta le ho anetisa molaetsa ho sechaba sa Basotho le ho barati le batšehetsi ba bolo ea maoto ka liphetho tsena tse ncha tse seng li kene tšebetsong hang-hang.

SAFA e'a ipiletsa

Tšeliso Thakholi

Mokhatlo oa Bolo ea Maoto oa Afrika Boroa (SAFA) o fihletse qeto ea ho tla nka boipiletsa khahlanong le kahlolo eo ba e fumaneng, ka ho sebelisa sebakali se neng se sa tsoanela ho bapala papaling ea Bafana Bafana le Likuena ka lebaka la ho ba le likarete tse peli tse tšehla e leng Teboho Mokoena. Haele Mokoena o fuoe kotlo ea ho suptjoa ka monoana ea ho se phete phoso e tsoanang.

Mokhatlo oa Lefatše oa Bolo ea Maoto(FIFA) kamor'a ho etsa lipatlisiso ka Komiti ea Boitsoaro e etelletsoeng pele ke Monghali Mohammed Al Kamali o fumanane Afrika Boroa e le molato, 'me oa e amoha lintlha tse tharo le lintlha-kholo tse tharo oa li fa Lesotho, 'me oa boela oa laela hore Afrika Boroa e lefe kahlolo ea chelete e kaalo ka M200,000.00. Ka hona Afrika Boroa e fuoe nako ea matsatsi a 10 ho lefa molato kapa ho nka boipiletsa.

Sena se entse hore Naha ea Afrika Boroa e neng e se e le maemong a pele Mokhahlelong oa C ka ho bapala lipapali tse robeli, ea bokeletsa lintlha-kholo tse 17, e se e theohetse maemong a bobeli ka lintlha-kholo tse 14. Ha Naha ea Benin e se e le eona e li hulang pele ka lintlha-kholo tse 14, 'me leha li lekana

ka lintlha-kholo e feta Afrika Boroa ka lintlha tse 'ne ha e na le tse tharo.

Sehlopha se hlahang maemong a boraro seo le sona se ntseng se le monyatleng o moholo ke Nigeria ka ho bokeletsa lintlha-kholo tse 11. Athe Naha ea Lesotho ka lebaka la kahlolo ena, e ntlafalitse maemo a eona lokong ka ho nyolohela boemong ba bohloko ka lintlha-kholo tse 11, ha Rwanda e se e theohetse boemong ba botšelela. Sehlopha sa ho qetela lokong ke Zimbabwe ka lintlha-kholo tse 'ne, 'me ha e-s'o hlole leha e le papali e le 'ngoe.

Ho ea ka Monghali-Kakaretso oa LeFA, Monghali Mokhosi Mohapi, bona joaloka setho sa FIFA kamor'a hore ketsahalo ena e etsahale ba ile ba e hlokomelisa hore ho hatiketsoe molao oa Article 19.1 o tsamaisang lipapali tsena, 'me FIFA e ile ea etsa qeto ea ho iketsetsa liphuputso tsa ho netefatsa taba ena.

Potsong ea hore na ke hoban'eng ba sa ka ba nka boipelaetso ka litaba tse-

na. O itse tlasa maemo a boima a teng a lichelete, LeFA e ne e ke ke ea nka bokhothokhotho ba chelete e kaalo ka M100,000.00 ho kenya boipelaetso empa batsamaisi ba lipapali tsena e leng FIFA ba tseba hantle melao ea tsamaiso.

A tiisa hore seo ba ileng ba se etsa ke ho fana ka boelets le tlhokomeliso kaha ketsahalo ena, ha FIFA e ne e ka e tlohella feela e ne e ka kenya metsi ka moeli. A supa hore leha Likuena e na le monyetla o fokolang oa ho phunyaletsa ho ea lipapaling tsa Mohope oa Lefatše, e lokela ho sebetse ka thata hore e loanele maemo a eona kaha sena se tla e thusa isao ha e bapala lipapali tsa AFCON, hore e se ke ea iphumana e qala lipapaling tsa selelekelela.

Taba ena e tsositse barati le batšehetsi ba bang ba bolo morolo le tšepo ea hore Likuena e ka 'na ea iphumana lekhetlo la pele e etsa nalane ea ho kena lipapaling tsa Mohope oa Lefatše.



Lekala le atamela lihoai

Nthabeleng Seitlheko

Lekala la Temo Kanetso ea Lijo le Phepo e Nepahetseng le tsoile letšolo ho hlomella Basotho ka mekhoea ea ho kena temo-thekisong e ka thusang ho nyolla moruo le tlhahiso ea mesebet-si. Sena le se etsa ka ho fana ka koetliso ea lipeo le mechini ea temo ka la 30 Loetse monongoaha.

Letona la Temo, Kanetso ea Lijo le Phepo e Nepahetseng, Mohlomphehi Thabo Mofosi h'a bua le lihoai tse neng li khobokane o hlalositse hore 'muso o ikemiselitse ho li thusa ho ba baetapele le batseteli ba lichelete ho feta hore e be feela balemi.

A re ho bohlokoa hore li tsamaee le linako haholo mekhoeng ea temo e nepahetseng, ka ho tseba ho sebelisa manyolo, lipeo le mechini ea temo hantle ka nako e nepahetseng hore lijalo tsa bona e tle e be tse matlafetseng tse bileng li tseba ho mamella phetoho ea boemo ba leholimo. A re sechaba se itšetlehile ka lihoai: "Ke lona le fang malapa a rona lijo, le boloka bana ba rona ba phela hantle, le etsa hore moruo oa Lesotho o be le botsitso. Ka hona 'muso o tla tsoela pele ho fana ka tšehetso e hloka-halang, ekaba ka peo, ka mekhoea ea koetliso kapa ka litsela tsa mebaraka." Ke Mofosi eo.

A supa hore morero oa bona ke hore ba se lemele malapa a bona feela, empa ba be nmonyetleng oa ho hlalisa ka bongata e le hore ba rekise, ba fumane iphe chelete ho ntlafatsa bophelo ba bona.

A re lihoai li tlameha ho

ithuta hore joale maemo a leholimo h'a sa tsitsitse joaloka mehleng, ka hoo mekhoea e meng ea khale ha e sa sebetsa ka katleho. A re bohle ba lokela ho ikamahanya le liphetoho, ka ho sebelisa mahlale, ho boloka metsi le ho khetha mefuta e ka mamellang komello kapa

belisa manyolo, lipeo tse nepahetseng le ho hokahana le 'maraka, ebe li qetella li se na phaello e lekaneng. Ka lebaka leo, o re koetliso e joalo ha e felle masimong feela, empa e akaretsa khoebo le tsamaiso ea lihlahisoa.

A re sepheo se seng sa lekala ke ho netefat-

E mong oa lihoai tse ileng tsa ba teng koetlisong, Rethabile Koeshe o bontšitse thabo ea hae ka monyetla ona. A re ba rutiloe ka mekhoea e nepahetseng ea ho sebelisa peo le hore ba ka e kala joang ho qoba ho senyeheloa kapa ho petetsa lijalo masimong,

empa ba boetse ba kopa hore 'muso le balekane ba bang ba etele masimo ho bona hore na ba sebelisa tsebo ena hantle kapa che.

Ho feta mona e mong oa bakoetlisi ho tsoa Bayer e le khoebo ea manyolo le lipeo Afrika Boroa, Mpho Sekonyela o ile a



liphetoho tsa mocheso.

Mongoli oa Lekala la Temo, Kanetso ea Lijo le Phepo e Nepahetseng, Thabo Moleko o ile a hlalosa hore koetliso ena ke karolo ea letoto la mananeo a ntseng a etsoa ke lekala ka litereke tsohle.

A re ha ba sheba mathata a polokelo ea lijo naheng, ba bone hore ho na le tlhokahalo ea hore ba khutlele lihoaiing, ho li ruta le ho li tšehetsa ka tsebo e nepahetseng. O itse ba hlokomela hore lihoai tse ngata li tseba ho lema empa li sitoa ho se-

sa hore Basotho ba fihlela boipheliso ba lijo tsa masimong ka selemo sa 2030, moo e leng taba-tabelo ea 'muso ho bona Naha ea Lesotho e ba e 'ngoe ea linaha tse fepelang linaha tse ling ka lijo-thollo le meroho ho feta ha e le linaha tse ling tse ntseng li rekisetsa Lesotho.

A re ba hloka ho fokot-sa ho itšetleha ka lijo tse tsoang linaheng tse ling, 'me sena se ka etsahala haeba lihoai li fuoa koetliso e kang ena 'me li e sebelisa ha sehla sa temo se qala.

hape ba ile ba rutoa ka bohlokoa ba ho sebelisa manyolo le tsela e nepahetseng ea ho a sebelisa ho fumana lijalo tse matlafetseng.

A re thupelo ena e bohlokoa kaha bongata ba bona e le lihoai ba ntse ba sebelisa mekhoea ea temo ea mehleng ea khale, empa ba se ba tla fetola mekhoea kaha temo eo ba neng ba e tloahetse e sa hlole phetoho ea boemo ba leholimo.

A bontša hore lihoai li hloka tšehetso e tsoelang pele kamor'a koetliso. A re ho rutoa ho monate,

re lihoai hangata li leballa hore temo ke khoebo e hlokanang botsamaisi; ha e felle masimong feela. Ka lebaka a toboketsa bohlokoa ba hore sehoai se tsebe ho bala litšenyehelo, ho boloka lichelete, ho tseba hore na se tla rekisa hokae empa ka sehlohong ho tseba ho sebelisa lipeo le manyolo a nepahetseng ka nako e nepahetseng.

A re lihoai li lokela ho rutoa ka botebo litaba tsa petoho ea leholimo le hore na ke nakong efe ba ka sebelisang lipeo le manyolo.

WIDE FORMAT PRINTING

We offer durable, affordable & quick turnaround wide format prints. We can provide multiple options for indoors and outdoor applications - as well as produce any size you can imagine

FOR YOUR FUTURE
WE CARE



Call or whats App: +266 28350815/
22350224/ 68078124 (Whats app)

BANNERS

SIGNS

POSTERS

PRINTS

Mazenod PRINTING WORKS (Pty) Ltd
Prepare good People for The Lord